



Universitätsbibliothek Paderborn

Vita Patris Gonzali Sylveriae, Societatis Iesv Sacerdotis

Godinho, Nicolao

Coloniae Agrippinae, 1616

Prouincialis munere in India perfunctus ad prædicandum Cafribus
Euangelium designatur. Capvt Primvm.

urn:nbn:de:hbz:466:1-44032

VITÆ GONZALI
SYLVERIÆ, SOCIETATIS
IESV SACERDOTIS IN UR-
be Mouromotapa martyrium
passi,

LIBER SECUNDVS.

*Provincialis munere in India perfunctus ad prædican-
dum Cafribus Euangelium designatur.*

CAPVT PRIMVM.

ANNVS agebatur humanæ salutis quin-
gentesimus quinquagesimus nonus
supra millesimum, cum Gonzalus pro-
curatione Indicæ prouinciæ, quam
ferè triennio summa fide, nec minori
exemplo administravit, Antonio Quadrio reli-
cta, ad disseminandum per eas nationes Christi E-
uangelium sese accingit. Re igitur cum Deo priùs
communicata, & ab eodem Quadrio quanta po-
test animi contentionе petit, facultatem sibi fa-
ciat eundi ad Cafres, quibus per id tempus verita-
tis iter tot annorum millibus clausum, aperiri tan-
dem diuina benignitate cœptum erat. Cafres po-
puli sunt ad eam pertinentes Aethiopiam, quam
Ptolemæus maiorem vocat. Australem incolunt
Africæ partem, quæ inter Prasum promontorium
& Hesperios Aethiopas ab Oriente in Occidentem
plagam longissimo terrarum tractu protensa, gen-
tes continet feritate barbaras, linguis & moribus
diuersas, multitudine innumerabi locis infi-
ritas

nitas. Regio ipsi Ptolemæo & alijs veteribus ego-
graphis olim ignota. Apud eosdem Aethiopas pro
Imperiorum diuersitate varia nomina sortitur. A-
rabes & Persæ communiter vocant Zonguibars
incolasverò tum Zanguinos, tum Cafres, id est, si-
ne legegentem. Nos mutuata ab ipsis appellatione,
populos vniuersim Cafres, regionem euulgato iam
ac recepto per orbem vocabulo Cafrariam dici-
mus. Multi & varijs sunt in hac plaga Principes: re-
liquos opibus & copiis anteit Rex Monomotape,
hanc ob causam Imperatoris loco habitus. Mo-
zambico vicinior, & propter eboris permutatiq-
uem notior Lusitanis Rex Tongis est. Huius filius
per eos dies Mozambicum veniens, Christi fidem
prædicante Lusitano, & mentem intus Spiritu san-
cto permouente, Gentilicas execratus ineptias
Iustrali aqua tingi voluit. Sebastianus Sala Sofalæ
arcis præfectus, vir nobilitate & pietate clarissi-
mus, Tongensis Principi votum, vt par erat, mi-
rificè probans, illum in primis idoneo tradidit ca-
techistæ, Christianis præceptionibus imbuendum;
statuit deinde, vt maxima torius Insulæ celebrita-
te & omni apparatu ornacuque visendo, Baptif-
mum susciperet. Quibus rebus perfectis in patriam
princeps reuersus, Lusitanorum quorundam se-
ptus comitatu, Regi patri & cæteris regni primo-
ribus Christianæ religionis veritatem coelestis la-
uaci virtutem, exhibitos sibi à præfecto, atque
ab alijs honores diligenter exposuit, eosque in eâ-
dem religionem quanta vi potuit, pertrahere co-
natus est. Fratris suasu & exemplo princeps natu
malor non difficile permotus, iamque se Christo
adiungere perecipiens, Mozambicum cogitabat,
coelesti lauacro expiandus, fuisseque absque du-
bio

62 VITAE GONZALI SYLVERIAE
bioprofetus, nisi Rex Pater profectionem impe-
diisset, certo pollicitus effectum se, ut ab Mo-
zambico primo quoque tempore mitteretur ali-
quis, à quo & cæchesi instrui, & sacra vnda ritè
perfundi possent. Itaque ad hoc obtainendum desti-
natur idem Princeps, qui receptum Euangeliū suis
denuntiarat. Is Mozambicum reuertitur, à præfe-
cto petit patris sui verbis, Tongem mittat, qui fidei
nostræ doctrinam Tongensibus explicet, & Regem
ipsum, Reginam, Principem, Dynastas, ac gentem
reliquam diuino liquore abluat. Præfectus Sala
negotij conditionem expendens, iudicat opus esse,
vt Indicum Proregem faciat certiorem, simulque
ab eo petat, aliquos ad eas gentes mittat viros, li-
teris & virtute præstantes, qui frangant esurienti-
bus panem, & in tenebris atque in umbra mortis
sedentibus Euangelicæ veritatis lucem ferant. Ac-
cepto nuntio Prorex, rem totam Societati commit-
tit. Prouincialis Quadrius à Deo primùm per ora-
tiones querit, quid & qua ratione sit agendum: pe-
titio deinde à Patriarcha Nonio, alijsque religiosis
consilio, omnem suam ac suorum operam offert
Constantino Proregi. Cùm ergo vellet ad eam
Prouinciam aliquos designare, nec minus de ullo,
quam de Gonzalo cogitaret; eccetibi idem Gon-
zalustano animi ardore tantaque constantia ab
ipso petit inter alios, quos ad hoc munus dele-
gerit, se vnum ne prætereat, ea vt injecta Prouinci-
ali religio sit, fore vt non homini quidem sed Spiriti-
ui sancto resistat, si Gonzali desiderium & petiti-
onem repellat. Eius igitur votis satisfacit, & eundi
ad Cafres concedit facultatem. Si quis rem hāc hu-
mano tantum expendat iudicio, Prouinciale Qua-
drium, eiusque consiliarios non iniuria incusabit,
quod

quod virum talem ac tantum, quo per id tempus maiorem, pluribusue commendabilem nomini- bus, neque in Oriente, neque alibi fortè Societas habebat, per summas rerum variarum difficultates, & aperta vitae pericula, non tam ad incertam barbarorum conuersionem, quam ad certam mortem misisse videantur. Nam si de India tantummodo agitur, quantum Societatis intererat, eum Goæ vi- rum habere, qui nobilitate, literis, prudentia, vitae sanctimonia, rei communis studio, cæterisque rebus adeò erat excellens, ut esset prorsus nemo, apud quem auctoritate & gratia non plurimum va- leret? Quis enim eo vel ad quærenda miseris subfi- dia benignior, vel ad conciliandas inter se dissentientiū voluntates potētior, vel ad castigandam mo- rum licentiam seuerior, vel ad excitandum in ho- minum animis amore pietatis ardentior? Quid à summis ab infimis, ab omni sexu atq; ab omni æta- te nō obtineret, qui omnibus erat sūmè carus, sum- mè iucundus, summè vtilis, nulli prorsus onero- sus? Iam verò quid esse cause poterat, cur incerta ac dubia Cafrum ad Christum conuersio certissi- mis Lusitanorum & Gentilium tam corporalibus, quam spiritualibns commodis anteponi deberet? præsertim cùm ad pertractandos barbarorum ani- mos, aptiores fortasse fuerint, qui & natura & in- genio non nimis ab ipsis discrepant, modò ijs sine prædicti virtutibus, sine quibus nihil in hoc genera- rectè fit. Quare si ad humanæ rationis calculos re- uocanda res erit, non deerunt qui Prouincialis consilium improbent, quod & ipse met, & ipsius consiliarij visi sunt improbasse, cùm statim à Gon- zali profectione, ac si eos facti pœniteret, mi- rari satis non possent, quonam tādem modo homi- nis

64 VITAE GONZALI SYLVERIAE
nis precibus, quamquam feruidis & piè importu-
nis vinci se passi fuerint. Cæterum Spiritus ille
Diuinus, qui à fine ad finem attigit fortiter, & o-
mnia disponit suauiter; cùm præparatum Gonza-
lo haberet insignem apud barbaros vitæ mortis-
que triumphum, eam Quadrio, alijsque eiusdem
consilij partibus iniecit mentem, vt quasi inuiti
& nescientes id efficerent, quod postea factum à
se, vehementer mirarentur, & si fieri posset, in-
fidelum vellent. Alia verò ex parte ad eam diffi-
cillimam Provinciam expetendam ac procuran-
dam duopræcipue Gonzalum permouere; Primum
incredibile quoddam iuuandi omnes atq; ad Chri-
stum perducendi desiderium, quo erga illos Ae-
thiopæ populos tantò ardentius inflammabatur,
quantò eos videbat reliquis ferè orbis nationibus
à Christi cognitione remotiores, & ob eam causā
cæteris mortalibus longè miseriores. Alterum, a-
spira omnia & aduersa propter Deum tolerandi
immensa quædā sitis, quam neq; in Lusitania explere
potuerat, neq; in India poterat. Quæ aliquando audi-
tus est dicere dū hoc iter animo agitaret, hic referre
operæ premium duco; sic enim ille secum, O Cafrum
gens non miōis nunc animo, quam corpore atra &
deformis, quam opto, quamque etiam spero, vt pu-
rissimo sacri Baptismatis liquore perfusa nigrum
animo colorem breui depellas. Utinam iam inter
vos ac vobis secum essem, Aethiopes mihi carissimi,
vt Iesum Christum Dei filium, eiusque potentiam
& maiestatem nota vobis efficerem. Faxit sempi-
ternum illud numen, cuius prouidentiâ mundus
gubernatur, vt mihi inter vos vitæ finis sit, pro quo
sulute vestra mortem sustineam crudelissimam,
atque ita illud assequar, quod summopere deside-
ro; ea

ro; ea nimis in me exerceatur crudelitas, ut omnia corporis mei membra mille in particulias minutatim concidantur. Quid pati possum tam graue, tam durum, tam asperum ac difficile perpessu, quo satis queam compensare quantum debo optimo parenti Christo, quantumque eius causa me agnosco vobis debere, pro quibus ille praecutis clavis Crucis suffixus, & saeuissimis confossus vulneribus sanguinem totum effudit suum. Hec secum & his similia Gonzalus, antequam ad Cafres destinaretur, veluti prolixdens, ingentes subeundi martyrij fouebat animo spes.

Ad Cafres cum socijs proficiscitur.

CAP. II.

DE SIGNATO ad Aethiopicam legationem Gonzalo duo additi socij sunt; Sacerdos unus, Andreas Fernandius; Laicus alter, Andreas Costa, nota vterque probitate vir, & negotio aptus. His comitatus sub ipsum perfectionis articulum adit Proregē, quo salutato ac valere iusso, acceptisque insuper ab ipso ad Reges Tongis & Monapæ literis ac pretiosis munieribus, Chirium contendit. Paratam ibi reperit nauim operariam, qua in Sofalam conducendus erat Pantaleo Salz Gonzali propinquus, vt Lusitanorum arcis cum Imperio praesisset. Chiaulo feliciter soluit idibus Ianuariis, anno Christi nativitatis M. D. LX. Toto navigationis tempore pietatis & Religionis operibus se se exercuit. In Beatissimam Virginem Deiparam, quam vitæ ducem ac præmonstratricem delegit, eius studium præcipue enituit: neditandis enim illius virtutibus & ornamentis integrum diebus singulis ho-